



CONVOCATORIA DE MATRÍCULA DA PROBA DE ACCESO Á UNIVERSIDADE PARA AS PERSOAS MAIORES DE 45 ANOS (2020)

A proba de acceso á universidade para as persoas maiores de 45 anos regúlase polo disposto no Real decreto 412/2014, do 6 de xuño (BOE do 7 de xuño), e na Orde do 24 de marzo de 2011 (DOG do 4 de abril). Por todo o exposto, e ao abeiro das competencias recoñecidas ás universidades nas disposicións citadas e conforme o expresado na cláusula segunda do convenio entre as universidades de Santiago de Compostela, A Coruña e Vigo, a Comisión Interuniversitaria de Galicia (CiUG)

RESOLVE:

Convocar a proba de acceso á universidade para as persoas maiores de 45 anos, correspondente ao ano 2020, no ámbito das tres universidades de Galicia, conforme as seguintes:

BASES

1. Quen se pode matricular

As persoas que cumpran ou cumprisen os 45 anos de idade no ano natural en que teña lugar a proba (que acreditarán mediante a fotocopia do DNI ou do pasaporte) e non posúan ningunha titulación académica habilitada para acceder á universidade por outras vías nin poidan acreditar experiencia laboral ou profesional. As persoas solicitantes deberán asinar unha declaración responsable de declaración de que todos os datos sinalados na súa solicitude de inscrición para as probas de acceso para maiores de 45 anos son certos e válidos na data de presentación da solicitude.

A ausencia desta acreditación, a falta de veracidade ou a manipulación de datos suporá a perda automática dos dereitos derivados da matrícula nas devanditas probas e/ou a exclusión do proceso de adjudicación de prazas, sen prexuízo das responsabilidades penais, civís ou administrativas que houbese lugar.

Prazo, horario e lugares de matrícula

Prazo: do 20 de xaneiro ao 7 de febreiro, ambos os dous inclusive.

Horario: das 9.00 ás 14.00 horas de luns a venres (os días hábiles).

Lugares de matrícula: os LERD indicados no anexo I (ao presentar a instancia de matrícula previamente descargada da web e debidamente cuberta).

Tamén poderán matricularse mediante calquera dos procedementos especificados na Lei 39 /2015, de 1 outubro, do Procedemento Administrativo Común das Administracións Públicas (BOE 236, do 02 de outubro de 2015), coa obriga de incluír a fotocopia do resgardo do pagamento dos prezos públicos mediante un xiro postal dirixido aos lugares de matrícula que figuran no anexo I.

Se a persoa solicitante está en posesión de gozo de redución ou de exención do pagamento dos citados prezos, remitirá unha fotocopia do documento acreditativo.

2. Documentos

Documentación que se achegará no momento da matrícula:

- a) Fotocopia do DNI ou pasaporte (persoas estranxeiras) por ambas as caras.



- b) Resgardo acreditativo de ter aboadas as taxas. O ingreso das taxas de matrícula realizarase nunha entidade bancaria, mediante o impreso facilitado nos lugares de matrícula.
- c) Solicitud de matrícula en que consten os datos da persoa interesada. O impreso de solicitud descargarse da páxina web da CiUG: ciug.gal/PDF/impresom45.pdf.
- d) Currículo

Ao realizar a matrícula, o alumnado recibirá un **resgardo de matrícula** que deberá conservar, xa que neste se indicará o **código de acceso** para efectuar posteriormente en internet a solicitud de reclamación ás cualificacións das probas e a solicitud de admisión (preinscripción) para cursar titulacións universitarias do SUG con límite de prazos.

3. Prezos públicos

De conformidade co disposto no Decreto 73/2019, do 4 de xullo, polo que se fixan os prezos públicos pola prestación de servizos académicos e administrativos nas universidades do sistema universitario de Galicia para o curso académico 2019/2020, da Consellería de Educación, Universidade e Formación Profesional (DOG, núm. 131, do 11 de xullo de 2019), o importe do prezo de matrícula para estas probas é de 63,67 euros. O aboamento de prezos efectuarase no impreso establecido.

Exencións no pagamento de prezos públicos por servizos administrativos

Aplicaranse as exencións establecidas no artigo 12 do Decreto 73/2019, do 4 de xullo, polo que se fixan os prezos públicos pola prestación de servizos académicos e administrativos nas universidades do sistema universitario de Galicia para o curso académico 2019/2020, da Consellería de Educación, Universidade e Formación Profesional (DOG, núm. 131, do 11 de xullo de 2019):

- | | |
|--|-------------|
| - Familia numerosa: categoría xeral | 31,84 euros |
| - Familia numerosa: categoría especial | Gratuíta |
| - Persoas con discapacidade (>= 33 %), vítimas de terrorismo ou de violencia de xénero | Gratuíta |
| - Axudas ao persoal das universidades do SUG | Gratuíta |

Nota

- 1) Os beneficiarios/as de familia numerosa de categoría xeral e de familia numerosa de categoría especial achegarán, no momento da matrícula, xunto co xustificante bancario, unha fotocopia cotexada do carné de familia numerosa vixente no momento da matrícula.
- 2) A condición de persoa con discapacidade (>= 33 %) ou de vítima de acto terrorista acreditarase coa correspondente resolución administrativa, vixente nese momento, pola que se recoñece a citada condición, que se presentará, necesariamente, no prazo de matrícula fixado. No caso de vítima de acto terrorista inclúense o/a cónxuxe e os fillos e fillas.
- 3) A condición de vítima de violencia de xénero acreditarase no momento da matrícula mediante o documento acreditativo da citada condición, que estará adoptado ou emitido no prazo de 24 meses inmediatamente anteriores á data de formalización da matrícula. No caso de violencia de xénero tamén se inclúen fillos, fillas e menores en tutela, garda ou custodia.
- 4) Axudas para o pagamento de prezos públicos por servizos administrativos: beneficiaranse das axudas para o pagamento de prezos públicos por servizos administrativos todas as persoas que estean previstas nalgún suposto das convocatorias de axudas e subvencións de prezos públicos de calquera das tres universidades públicas do SUG para o presente curso académico:
 - O persoal docente e de administración e servizos, os seus fillos/as, así como o/a cónxuxe ou persoa con análoga relación, das tres universidades de Galicia terá a matrícula gratuíta.



- A gratuidade deberá acreditarse mediante unha certificación dos respectivos servizos de persoal e, no caso de cónxuxe e fillos/as, ademais, por medio da fotocopia cotexada do libro de familia. A situación que dá dereito a axuda deberá estar vixente no momento da matrícula.

4. Realización dos exames

Os exercicios que se realizarán son os indicados no Real decreto 412/2014, do 6 de xuño (BOE do 7 de xuño), e especificados no folleto informativo editado pola CiUG.

O alumnado matriculado ao abeiro da presente convocatoria efectuará os exames, nun chamamento único, o **sábado 7 de marzo**, a partir das 8.30 horas, na Facultade de Dereito da Universidade de Santiago de Compostela.

O sistema universitario de Galicia realizará anualmente unha convocatoria da proba de acceso para cada unha das ramas en que oferten ensinanzas.

Os candidatos e candidatas poderán realizar a proba de acceso na universidade da súa elección, sempre que existan nela os estudos que desexen cursar, e correspóndelles, para os efectos de ingreso, a universidade en que superasen a proba.

Non se poderá realizar a proba de acceso, para un mesmo curso académico, en máis dunha universidade. No caso contrario, quedarán automaticamente anuladas todas as probas realizadas.

5. Estrutura da proba

A proba de acceso terá como obxectivo apreciar a madurez e a idoneidade das persoas candidatas para seguiren con éxito estudos universitarios, así como a súa capacidade de razoamento e de expresión escrita. A proba de acceso comprenderá os tres exercicios seguintes:

- a) Comentario dun texto ou desenvolvemento dun tema xeral de actualidade
- b) Lingua castelá
- c) Lingua galega

Os candidatos e candidatas que superen a proba de acceso deberán realizar ademais unha entrevista persoal na data e no lugar determinados pola comisión organizadora. Do resultado da entrevista persoal enviarase unha resolución de «apto» como condición necesaria para a posterior resolución favorable de admisión dos candidatos e candidatas.

Os candidatos e candidatas que acrediten a residencia fóra de Galicia, por un período ininterrompido superior aos catro últimos anos, poderán solicitar, no momento de se matricularen, a exención do exercicio de Lingua galega. A CiUG comunicaralles aos candidatos ou candidatas, por correo ordinario con aviso de recibimento, a concesión ou non da exención do exercicio de Lingua galega.

Cada un dos exercicios da proba de acceso terá unha duración máxima dunha hora e media. Establecerase un intervalo mínimo de trinta minutos entre o final dun exercicio e o comezo do seguinte.

Para realizar os exercicios, os candidatos e candidatas poderán empregar, á súa elección, calquera das linguas oficiais da comunidade autónoma de Galicia. Non obstante, os exercicios correspondentes a Lingua castelá e Lingua galega realizaranse nos seus respectivos idiomas.

6. Sistema de cualificación

A cualificación de cada un dos exercicios da proba de acceso exprésase de 0 a 10 puntos, con dúas cifras decimais e con intervalos de 0,25 puntos.

Facultade de Dereito, 3º andar – Campus Vida- 15782 Santiago de Compostela
Teléfono 881 813 452 – Correo electrónico: ciug@ciug.gal - <http://ciug.gal>



A cualificación final da proba será a media aritmética das cualificacións obtidas nos tres exercicios, expresada en forma numérica de 0 a 10 puntos, con tres cifras decimais, arredondada á milésima máis próxima e no caso de equidistancia á superior.

O candidato ou candidata superará a proba cando obteña un mínimo de cinco puntos na cualificación final. En ningún caso, poderase facer a media cando non se obteña unha puntuación mínima de catro puntos en cada exercicio.

A nota de admisión para cursar ensinanzas universitarias oficiais de grao será a cualificación final obtida na proba.

Unha vez superada a proba de acceso, os candidatos e candidatas poderán presentarse de novo en sucesivas convocatorias, coa finalidade de mellorar a súa cualificación. Terase en conta a cualificación obtida na nova convocatoria sempre que esta sexa superior á anterior.

No suposto de que, na nova convocatoria, o candidato ou candidata decida realizar a proba de acceso noutra universidade, soamente se tomará en consideración, para os efectos de ingreso, a cualificación obtida nesta última.

7. Publicación das cualificacións provisionais

As cualificacións provisionais da proba publicaranse na sede da CiUG, nos LERD e nas tres reitorías de Galicia o **día 12 de marzo** (a partir das 15.00 horas). A resolución pola que se publican estas cualificacións terá efectos de notificación oficial para as persoas interesadas.

8. Reclamacións ás cualificacións

Os candidatos e candidatas poderán presentar unha reclamación ás cualificacións provisionais despois de publicárense, dentro do prazo establecido pola comisión organizadora e mediante un escrito razoado dirixido á presidencia do tribunal.

O **prazo de presentación de reclamacións** ás cualificacións será de tres días hábiles contados a partir da data de publicación das cualificacións provisionais (**do 16 de marzo ata as 14.00 horas do 20 de marzo**).

As solicitudes de reclamación poderán presentarse no LERD en que se entregase a solicitude de matrícula para a proba, mediante os impresos específicos facilitados para o efecto, ou mediante o procedemento telemático establecido empregando o número de acceso á aplicación informática Nerta facilitado ao alumnado no seu resguardo de matrícula.

9. Publicación das cualificacións definitivas

As **cualificacións definitivas** (despois da resolución das reclamacións e das entrevistas persoais) publicaranse o **día 26 de marzo** (a partir das 15.00 horas). A resolución que, xunto coas actas de cualificacións, se publicará na sede da CiUG, nos LERD e nas sedes das tres reitorías de Galicia, terá efectos de notificación oficial ás persoas interesadas e porá fin á vía administrativa.

En todo caso, contra esta resolución, que porá fin á vía administrativa, poderá interpoñerse un recurso potestativo de reposición no prazo dun mes perante a propia comisión. Neste caso, non se poderá interpoñer recurso contencioso-administrativo en tanto non recaia a resolución expresa ou presunta do recurso administrativo de reposición.

10. Realización das entrevistas persoais



A CiUG publicará, na súa páxina web, **antes do 27 de marzo de 2020, a data de realización da entrevista persoal e a hora** convocada para cada un dos candidatos/as que superase a proba. A **realización da entrevista** terá lugar na sede da CiUG, situada no 3.º andar da Facultade de Dereito da Universidade de Santiago de Compostela.

11. Efectos

Ao alumnado que supere a proba de acceso no SUG corresponderalle, para os efectos de ingreso, a universidade en que superase a proba.

Para acceder a **titulacións universitarias do SUG con límite de prazas**, o alumnado que supere a proba deberá presentar a súa **solicitud de admisión**, no prazo **do 16 ao 30 de xuño**, en calquera dos LERD existentes. Para iso cómpre estar en posesión do certificado de superación da proba, expedido pola CiUG, e remitirse por correo ordinario, con aviso de chegada, ao domicilio das persoas interesadas.

Para os e as estudantes maiores de 45 anos que superen a proba de acceso, en virtude do disposto no Real decreto 412/2014, do 6 de xuño (BOE do 7 de xuño), reservarase unha porcentaxe do 2 % das prazas totais de cada titulación.

No **anexo II** recóllese o horario de realización dos exercicios da proba.

Santiago de Compostela, 16 de decembro de 2019

Iván Carlos Area Carracedo

Presidente da CiUG

Anexo I. Lugares de entrega e de recollida de documentación (LERD)



UNIVERSIDADE DE SANTIAGO DE COMPOSTELA

·LERD 1 Campus de Santiago de Compostela

Servizo de Xestión Académica
Pavillón estudantil, 2.º andar, Campus Vida
15782 Santiago de Compostela
Tel.: 881 814538/881 814530
Enderezo electrónico: sxa@usc.gal

·LERD 2 Campus de Lugo

Edificio Biblioteca-Intercentros, planta baixa
Campus universitario
27002 Lugo
Tel.: 982 823552
Enderezo electrónico: sxa.lugo@usc.gal



UNIVERSIDADE DA CORUÑA

·LERD 3 Campus da Coruña

Pavillón de estudantes
Campus de Elviña
15192 A Coruña
Tel.: 981 167 000 Extensións: 1190/1192
Enderezo electrónico: lerdcoruna@udc.gal

·LERD 4 Campus de Ferrol

Campus de Esteiro
Edificio de Apoio ao Estudo, planta baixa
15403 Ferrol
Tel.: 981 337 451
Enderezo electrónico: lerdfer@udc.gal



UNIVERSIDADE DE VIGO

·LERD 5 Campus de Vigo

SIE

Edificio Miralles
As Lagoas, Marcosende
36310 Vigo
Tel.: 986 813 630/986 813 755
Enderezo electrónico: sie@uvigo.es

·LERD 6 Campus de Ourense

Unidade Administrativa
Área de Servizos á Comunidade
As Lagoas
32004 Ourense
Tel.: 988 387 102
Enderezo electrónico: asc-ou@uvigo.es

·LERD 7 Campus de Pontevedra

EU de Enxeñaría Técnica Forestal
Área de Servizos á Comunidade
A Xunqueira
36005 Pontevedra
Tel.: 986 801 949
Enderezo electrónico: asc-po@uvigo.es



Anexo II. Data e horario de realización da proba

Sábado, 7 de marzo de 2020	
Hora	Sesión
08.30	Presentación do alumnado
09.00–10.30	Comentario de texto sobre un tema xeral de actualidade
10.30–11.00	Descanso
11.00–12.30	Lingua castelá
12.30–13.00	Descanso
13.00–14.30	Lingua galega
14.30	Fin da sesión